

宋詩紀事補遺

宋詩紀事補遺卷之三十七

歸安陸心源伯剛父輯

李巖

甯都人宣和三年進士

草堂讀書行

草堂新創龍山谷夜把詩書向燈讀柴門晝掩寂無人
惟有白雲相伴宿日暖南溪垂釣歸花笑鶯啼芳草
綠鳴鶴昂昂愁夜多杜鵑啼罷清猿哭日暖葩林
風入幃攜琴品弄僊家曲曲中哀怨誰知妙子期能
識工商調魚未成龍劍未揮家貧談學人多笑男兒

立志須稽古莫恨窗前讀書苦自古功名未遇時道

遙掩却山中戶

韶州府志

李士美

福建尤溪人宣和三年進士

題崇明寺

珍重東平入鳳城錦箋雙羽蹙南征馬蹄不懼藍關

雪一鴛須斯萬里程

懷慶府志

周之翰

瑞安人宣和三年進士官太宗正丞許景衡橫

塘人有答周之翰啟

題疎山

危亭敞層巔上與霄漢逼化工無藏技遙露一寸碧
天風埽微雲宛轉樹頭直不須剪狂柯自與眼界極
道人久何營白足謝塵域苔青石磴險携客半支錫
瘦竹漏殘日清禽破初寂豈知不可留何苦事行役
薄浪吹船頭又作城中適回首謝書山他年間消息

宋詩
拾遺

胡瑄

毘陵人宣和三年進士

題智寶院

朱詩三十一
二
六代烟塵息千年象教尊衣冠悲故里聚落見荒邨
毗陵志

題定山梵放軒

道人避世氛山腰著祇園千夫斲青冥豁達窗戶舉
鬼神間施設儼護龍象筵法鼓空中鳴龍臥層崖巔
幽靈駭今昔異事樵夫傳眷茲水雲侶精賞託妙緣
努力辦已事追駕佛祖肩憑高發鐘磬梵音落諸天
況時解禪縛迢遙倚層軒放意萬物外目送孤鴻翩
江陰縣志

吳元美

字仲實永福人宣和二年貢首三年進士紹興
中歷太常寺簿以汪勃奏出入李光之門出爲
本路機宜以忤時相貶容州卒後五年楊椿洪
邁等爲言于朝特官其子

都嶠山

羣巒環翠繡江隈八疊中峯洞府開劍戟香爐空際
立烏鞍幾子上方排烟籠丹竈熬檠穩雲蓋仙人鶴
駕來觀此寶元眞勝境何須航海覓蓬萊

廣西通志山川

陳勗

字季常福安人宣和三年進士

廣教寺

佛教憑誰廣禪關此地恢逶迤山徑入閒寂法堂迴
雲樹吟風葉霜楓擲露臺相過應一笑頓覺俗塵開
福寧府志

曹組 厲有

賞心亭

白鷺洲邊蘆葉黃石頭城下水茫茫江山不管事興
廢今古坐令人感傷六代豪華空處所千秋城闕委
荒涼空餘眼外無窮景助我憑闌到夕陽
景定建康志

葉輝

宣和三年以從政郎知建德縣見嚴州圖經

駐馬坡

將軍氣勢溢江河躍馬曾經駐此坡坡下石頭城最

險屯兵正自不消多

景定建康志

秦淮次羅北谷韻

人言王氣在鄆州嬴政因來鑿此流地脉何曾真斷
得幾多天子

宸樓

同上

白鷺亭次羅北谷韻

白鷺洲邊敞此亭淮山江水瞰蘆汀鷺飛點點星顏
色那似公山鶴有靈

同上

清涼寺竹

茂林修竹綠侵雲
清到君心賴有君
李主當年飽涼後
民間若熱幾曾聞

同上

張嶠 厲有

秋懷

前山躋暮氣
虛簷納輕陰
沈疴稍輕體
徐步望遙岑
沈寥天宇淨
斐實秋雲深
原野曠蕭條
岡阜何崎嶇
微霜被羣物
悴葉聲蕭森
遊鱗奔巨壑
翔鳥候穹林
結念非一端
滯思紛相尋
伊昔抱微尚
夙懷塵外心
風波一震蕩
飄流安可任
廉頗思趙士
鍾儀懷楚音

往憤既切古來憂方在今安排諒遽言委順亦虛襟
由來窮達士萬古同煙沈聊申悽斷意持和雙南金
董彌大郎中以牕前菊花晨且鮮明午間萎
懔感而成詩興寄古雅次元韻

人生朝氣銳茲花亦復然鮮榮若自矜低垂如乞憐
平生浙鄞路滿谷爲誰妍山深風日美揚芳被涯邊
食飲賴香潔輕安道節宣昔乃壽胡廣由來豈其天
至理竟誰問三難秋風前
浙鄞屬饒縣有菊潭潭傍
之人飲食其水皆老壽胡
廣素患風疾沐浴此
水遂愈入十餘卒

將至臨安途中偶成呈表叔陳給事去非

末契托外親夙昔承顧盼鄧鄙聽論詩房陵共遭亂
蒼黃南山路大雪將沒胥事之訪田家山花已如霰
燃薪代燈燭新詩仰華絢雨餘登近嶺春晴集雨澗
彷彿紙坊山泉石眼中見形影一東西音聲阻河縣
鴛鴦自拘攣鴻鵠謝羈 俄瞻見天上更覺斯文煥
鄙賤集豐深十年兩遭難稠重荷顧存凡庸辱推薦
窮途感一飯況此膺深眷門墻行欲近仰止極昏旦
餘生不自意復得親談宴存沒割中腸申章淚滂濺
春夜山居望月思故園有作

萬壑自清夜春嵐昏眾星明月麗霄漢清光周四溟

獨立萬里外飄然欲遐征回首望江漢中原氣冥冥
東北有去鳥我願從之行逝將歸舊邦山河死平生
邱園已蕪沒徑術春草青觀台傾夜雨曲池今向平
俯首叫父老曠野無人聲廬井不復辨灌卉春露凝
傷時心震蕩懷舊意縱橫夜久林葉光山空泉韻鳴
緒鳳行復革機運無暫停理會眾緣釋情鍾羣慮并
靜躁物固殊太空本何嬰庶以道自達超遙謝樓甯
送陸堯夫倅襄陽

我本江漢客十年官到京君爲三吳士歛有南雍行
風波眇沂沂水陸幸俱平是邦雖毀頓生聚今尙成

方音三二一
矧君勤令德足以惠遺民井邑應非舊長江如故清
峴山雖已赭遺記尙縱橫假日當訪古兵廚宜細傾
客心終憚遠歸意欲遐征鬱紆懷土念去往遊子情
待君成政日緊我契歸耕送別南歸路復班三峴荆
離居何以慰日夕伫休聲

過覃氏水南別墅詩

銷憂苟自誣策杖來幽墅浮舟絕碧水躡履遵遠步
置酒危碕亭開襟面孤嶼川淺不興波春陰易成暮
雜花開照牖細草生侵路虛檻滿夕嵐空堦連水霧
物變知節宣地僻嗟所寓干戈莽未定勝集何能屢

觴咏筭佳遊更籌促歸馭一水限山城風煙眇回顧

贈相僧楊懶散

野鶴本長生孤雲無定意託迹雖世間遊心乃塵外
請問絳人年曾觀栢寢器微言洞倚伏妙中驚人世
往夏識方瞳今春分別袂飛帆烟雨外駐錫雲林際
逸興輕遠遊滯念牽離思後夜聽鐘鳴應在寒山寺

寒食行

寒食祠墳由來已久亂離之後每經此節孝子仁
人孺慕感傷可勝言耶因作寒食行以敘其痛惜
之意云

寒食由來古今重四海人人作邱壠兩京道上松栢
多盡是王公大家塚伊昔年年當此時鈿車寶馬相
追隨紛紛錦樹滿原野暖風遲日爭光暉草間燒紙
樹間哭羅列杯盤烏攫肉侵晨祭罷薄暮歸旋風剪
剪吹餘灰爾時馬醫夏畦鬼亦受子孫追養禮豐薄
由來稱有無咸具盤餐致醪醴家家邱墳各爲主何
人壠上無新土自從遭亂去鄉關幾歲松楸不曾覩
况復其間多發掘孝子慈孫淚如雨流落他州遇火
前去年如此復今年新阡舊壠祇回首無復原頭挂
紙錢君不見東都之傍永安道車轍平來生碧草四

時祠祭今寂然五陵春樹生蒼煙

范宗尹 厲有

遊龍華寺二首

曉出城東路尋僧聊避喧宿雲開嶺岫晚稻沒川原
村暗桑枝合林紅柿子繁日斜僮僕困其喜到山門
古寺山環合崎嶇路僅通一庵寒閉戶羣木夜號風
幽勝窮探盡塵勞洗滌空茲遊恐不再聊記小詩中

題石橋

古木森森白晝昏瀑泉飛處兩山分石梁跨谷欣初
曙茗椀浮花信舊聞行古向來悲一跌潔身此去欲

三薰至人儻有矜憐意便與提携出世紛

天台別編

吳遵

龍泉人宣和六年進士

龍潯山

危亭瞰碧虛縹緲青林薄坐久人不知衣上雲光落

絕構臨層霄虛窗動元氣晨興蒼莽間諸峯在平地

福建通志山川

劉愿

字恭叔江西新昌人宣和六年進士博學負重

名歷永鼎二州倅廉介有爲趙鼎張浚交薦于

朝除知沅州命下而卒

題度門寺

山到秋來骨更奇
看山尋徑步逶迤
樓臺半與雲相亂
鐘梵時因風自移
萬卷生涯書可載
一身老去髮先知
我來尙想諸賢在
綠竹堂前壁上詩

瑞州府志

徐兢

字明叔號自信居士
歷陽人宣和六年高麗入貢
以奉議郎爲國信使提轄官
副路允迪報聘撰高麗圖經
四十卷歸上之朝賜同進士
出身擢知大宗正兼掌書學
遷尙書刑部員外郎

項亭

圖秦爭漢兩無成霸勢先隨玉斗傾惟有烏江夜深浪至今猶是楚歌聲

輿地紀勝

劉公彥

字彥輔密人家金壇以平賊功授嘉州文學權知懷仁縣辟淮陽軍鎮撫司參謀官江東安撫使司浙西宣撫使司幹辦公事提舉水軍添差通判鎮江軍府事除知真州捕賊江行失舟而歿

詠松

誰植蒼官近阼階
青青不肯雜蒿萊
他時若有風雷
便拔向南山穩處栽

古鏡句

平生膽氣忠於國
願爾何曾照膽明

以上見京口耆舊傳

京口耆舊傳招討使韓世忠回自淮陽其
後軍李彥先叛據東海公彥討之爲賊所
得以公彥威信在人更欲托之軍事公彥
以死辭一日偕衣冠十餘輩載酒訪之欲
申前請且以刀脅之指階下小松曰是不
可用當斬公彥不爲動因請賦松詩蓋欲
以觀其意公彥應聲云賊知不可強而
止公彥自宣和七年以招安賈進功補官
以說李彥先功轉至承議郎自後間關兵
中六七年屢有戰功未嘗受賞嘗作古鏡

詩云云蓋
亦可觀

汪襄

字公弼績溪人宣和中太學登第除南陵主簿
歷官宣教郎在太學時嘗爲使臣學教諭登第
後梁師成欲薦爲館職襄恥不就至是遣押白
金赴虜帳虧其半將陷之襄徐辨得免

捕虎行

西山春暮繁草木紅白花開映巖谷朝來猛虎忽留
蹤獵人挾刃爭驅逐坡平草軟筋力健目光兩鏡照
林崖吻牙狐兔何足噬要向川原飽人肉獵天鼓勇

欲生擒失利寧虞傷手足我令壯士八九輩袒裼而
往敢退縮持戈踴躍皆直前不顧爪牙加觝觸於菟
怒鬪力已困白刃紛然刺其腹不施陷穽設羅網須
臾俄聞就縛束未踰半晝捷書來撫掌驚嗟大神速
百夫肩舁向城市塞巷填街爭縱目皆云古昔未曾
有不比春山得麋鹿斑皮愛護輸郡府肝膽珍奇競
收蓄吾聞獸之猛者莫如虎搖尾磨牙肆其毒一旦
力盡勢已窮血脣反以餉僮僕乃知剛狠不足恃仁
若騶虞才可錄虎兮虎兮曷爲出哉深山窮谷可以
隱而不隱豈以夫皮爲之災官有壯士長戟可以捕

取爾爾其亟去無復來大江雖深亦可渡縱橫勿礙

行人路

新安文獻志

沈晦

厲有

讀書巖

老鶴下遼天昂昂在林表霜毛臨野孤逸氣秋天杳
矯矯顏始安不受冠帶繞清真自稽阮一醉萬事了
讀書空谷中生芻白駒皎神仙問谿蓂弓彎天字小
豈無素心人幽睡其清曉桃達在城闕鐘磬出林杪
試令栽桃李照海春嫋嫋長哦五君咏極目送飛鳥

廣西通志

侍先人遊石橋

一別台山四十年石橋風景尙依然慈顏不見身空

老感恨多如澗底泉

天合續集

何絳

四川順慶人宣和進士

營山縣石門津

一江分兩界二寺對雙蓬

輿地紀勝

郭思

河陽人父熙以畫山水名思宣和進士仕至龍圖閣直學士建炎中提舉嵩山崇福宮

秋日游合江戲題之亭上

秋風錦水樂無涯，獨上亭軒四望嘉。
橘子滿林金作塊，蘆梢拂岸雪飛花。
酒旗高掛芙蓉港，漁棹斜趨菡萏家。
描入畫圖收取去，故人相對飲流霞。

成都文類

陳康伯

字長卿，弋陽人。宣和進士，歷官左僕射、大學士。
福國公諡文正。宋史有傳。

龜峯山

形勢如龜，稟賦奇昂。頭倚尾向，谿湄恍如獻瑞。
在官日，猶似呈書。出洛時，日色蒸霞，紅甲潤苔，痕溼雨綠。

毛垂千年屹立層霄外高壽喬松可等期

新江西通志

房與之

四川成都人宣和進士官中奉大夫持節潼川路

峽州

江水遠流千古恨峽雲長作四時容

輿地紀勝七十三

李誼

字宜昌南昌人宣和進士建炎中官樞密院計

議官歷右正言諫議大夫工部尙書知廬州卒

于官

句

截開野色教天闊
斫斷浮雲放日高

輿地紀勝

廉布

字宣仲宣和太學博士紹興九年左從政郎新
授處州錄事參軍張邦昌壻

次避地白巖山中書懷韻

避地來何所窮山滄海邊
雄圖今寂寞吾道昔屯還
宴食甘麤飯偷生忍擊鮮
鄉閭重回首揮淚入淮天

次韻山中元夕

當年對元夕載酒向淮灣
寶瑟紫珠袖青藜照玉山

蠻村當此夜璧月獨臨關尙憶追游勝蕭蕭雙鬢斑
天台
別編

書事三首呈郎中機宜

避地意何適同時得一賢才名誰敢並蕭散或堪憐
濁酒寧非道枯藤自會禪尙須浮碧海風月夜同船
地僻春將半僧房客暫休連山花霧暗半嶺竹雲愁
將士戈猶枕書生筆屢投點羌兵未戢上有自焚憂
山路入雲烟精藍滄海邊岸沙留虎迹石壁曳蛟涎
猿嘯千山寂鳥驚半月絃憂來非一事種種上華巔

天台
別編

陳棠厲有非一人

餘姚人宣和間爲台州工曹參軍左緯贈詩有
孝悌人皆勸平反獄屢空之句累官左迪功郎
台州州學教授攝臨海黃巖二令紹興四年以
左承事郎知台州有政譽官至吏部侍郎見赤
城志

建炎丞相成國呂忠穆公退老堂詩

黃閣雍容靜塞塵凌烟功就便抽身三年暫別長安
日五畝來追獨樂春槐鼎政須還國老谿山聊且慰
騷人似聞天語傳中使行告廷祁設九賓

解組歸來萬事休
買茅初葺一堂幽
綠筠曉月搖蒼
珮紅樹春風散
綵旂鷺心情雖
退老麒麟圖畫
口口行看馳駟
趨丹陛趁取閒
時秉燭遊

天台別編

姚寬厲有

蓮盤莊納涼

密竹蔭回塘
陰陰小院涼
低回忘扇拂
獨自懶衣裳
弱蔓扶新綠
紅蕖並晚香
華胥愁不到
只在水雲鄉

列子云華胥在台州之北

下章安杜瀆七首

京洛風塵久不開
晚尋雲水上天台
如何更下章安

浦縹渺山城首重回

帆落秋風泊暮灘月生潮上客心閑海門南望天侵

水左直金鰲

金鰲一名金鵝山

駐驛山

在章安昔曾臨幸焉

石柱山前煙在川

杜濱之側有石柱山甚奇下皆煎鹽之所

金鵝浦口浪

黏天北人淒斷南人笑愁水愁風最可憐

平生願挹山陰道種竹栽花越水東海角天涯心未

穩吳頭楚尾信難通

夢寐家山老歲華何時滿眼送烟花定知難口口口

印亦許歸乘下澤車

楓林葉脫減秋聲山擁秋光到眼明秋興悲秋俱有

賦安仁宋玉是前生

飢來驅我幾何馱塵務縈心更可嫌不似陶潛戀松菊未聞膠鬲舉魚鹽

行鴻祐路偶作

尋幽無十里闊處見風濤綠樹雨中密澹山雲外高
心情親醉境愁色上顚毛早賦歸來引悠悠誤爾曹

天台別編

陳似襲

宣和時人

龍脊
宣和嘉平月題

峽底淵流澤益深砥平鰲極介江心簿書叢裡逢休
暇雲水光中欣訪尋佛石四題雞子卜移舟三聽竹
枝音時和撾鼓同民樂快喜春陽逐眾陰

夔州府志

朱濟道

宣和時人

呈妙空禪師

二年催遣向東州見盡東州水石幽不把尋常費心
眼靈泉消得少遲留

東山山水亦堪遊及至靈巖分外幽會有定師能指
示直須行到寶峰頭

金石萃編

袁陶

宣和中教坊大使

應制

金瓶芍藥三千朶玉軸琵琶四百年

浩然齋雅談宣和教坊大使袁陶應制詩云云

李美

大梁人

鍤袈裟

十載松關隔世塵俯襟雲石骨毛清他時脫得浮名利
好作清涼境裏人

靈巖集

黃同

字學古江夏人宣和時知永州

乘暇率僚友訪淡山祗閣御書清談久之偶
成以豁其思同遊者爲誰譙國曹宗文元伯
廬江何兌太和長沙何谷應求臨江何昌辰
利見吳興沈充彥端

棠陰蕭爽訟詞稀乘暇齋莊一陟危雲漢昭回神聖
畫珠璣屍耀古今詩清談習習風聲起薄暎霏霏雨
腳垂它日玉堂誇勝踐畫圖應展澹山奇

湖南通志
金石略

王蕃

字子宣一字復觀湖州人王曾之後宣和中官
廣西提舉常平臨桂伏波巖龍隱巖均有宣和
己亥題名山谷稱其詩雖不工無秋毫俗氣其
人胸中塊磊不隨俗低昂故能若此

政和壬辰留題石魚

冬旱江成渚維魚記石稜滋濡春遂足狼戾歲將口
四川涪州石魚題字

李宏 厲有

遊天休觀道流索詩

霓旌羽蓋下飛仙名揭司真列洞天一派銀河落懸

水數峰石壁鎖霏烟潭心雷殷龍應出井口風迴虎
未旋山有雷潭風井端欲相從老巖壑凌雲已覺意飄然

宿秋霜閣方丈

青山夭矯虯龍蟠溪流瀉竭灘聲乾履霜未落秋尙

早夜半已作貂裘寒

以上宛陵羣英集

登江樓

三江入會水交流擁抱嵐光送客舟只與寄詩身不
到老人可是負江樓

輿地紀勝

白彥惇

宣和時人

鍊袈裟

步遶危峯渡翠崖
捫蘿初上更崔嵬
他年若有尋真
分定結茅廬傍此臺

靈巖集

劉先生

宣和時人按碑額題八行
劉先生詩下有厭次

劉採仙尉張思

云

同來豈卽採耶

黃石公祠

我昔讀漢史心師張子房
從容輔漢室功成復翱翔
皆由受師黃石公也訓
知進退存亡我本田舍兒
本志在退藏
因緣遇眞主
招聘助發揚
五年寄京國
心志不

皇皇亦由宿志定萬事皆秕糠今日得歸來素志今
得償艤舟河縣下騎馬達祠堂伏行仙遺像我志愈
激昂誓歸東村住心祈契空蒼庶可見張子侍翁入
帝鄉金石萃編

宋逸

宣和時洛陽人

靈巖

抖擻塵衣訪古蹤捫蘿涉嶮徹靈峰寒堆泰岳千巖
雪清遶方山十里松泉頂客回聞法鼓雲堂僧起動
齊鐘如來元現因明處直在人天第一重

靈巖集

李處樵 屬有

送嘉仲兄赴永康宰

我兄如瓊林皎皎塵滓外不從門地初便許人物最
裁詩陶謝流射策董晁輩欬唾落人間 珠無類

羣居歎名理澡雪賴箴誨坐我琅玕林清風長十倍
誰令困小官寸進而尺退前年宰熒澤與大能吏配
茲入山水國牛刀欽益淬穩借一帆風開濤上鯨背
獨憐藐然孤厭逐兒童隊夢想在東南浮雲寄必會
定不俟瓜及歸奉明光對猶當念奇窮寂寞將把耒

題九江徐史君盼柯亭

度柯何天矯蒼皮餘雨溜本非尋常材歲月方成就
偉此蕭散姿矜睠揖孤秀慕陶築斯亭千載可全臭
引杖步嘉蔭携書席永晝舒嘯一徜徉清風滿懷裏
更想五老峯傑卓立癯叟何因借羽翮接踵賓裾後

夢江彥文

春寒蘋末風猶勁過雨山林都眼淨西江天末寫明
鏡劈剪孤帆飛小艇中有丈人若冰壺水爲眸子玉
作膚黃河逆流滄海在彷彿羨門丹邱徒仙風道骨
何敷腴烟霞之姿透見揖弭棹芳洲招我急野人竭
屨樞衣入酌之瑤丹飲瓊汁薦以金桃露猶濕禦寇

衣袂方冷然岸巾笑拍洪崖肩交梨大棗開心田木
鑽不盤今已穿青鞋布襪白行纏遊戲人間五百年

藺江二十丈

旋泊桐廬郡溪山過所傳稍寬遊子恨知有丈人賢
水落魚蝦聚林疎橘柚懸淹留拌宿醉臥扣月中船
和彥冲同原仲過交溪橋頭

不識交溪路詩來錦繡重間雲時出岫落日更明松
叔夜常爲鍛淵明亦近農喜君機事息魚鳥故相容
喜聞三十弟消息

喜得眞消息仍安嶺表居深知道路遠不在信音疎

荔子應憐汝檳榔敢笑渠一年看又盡兄弟意何如

偉觀堂

孤烟落日對銜盃此觀人間亦偉哉樹色遠從江浦
合潮聲亙咽海門迴衣冠喜有承平氣賓客慚無賦
詠才城闕鬱葱人望幸五雲將擁翠華來

簡劉致中兄弟

祖筆摩空有賦聲長楊羽獵舊齊名頗推門第多人
物故作樓居遠世情我輩一生悲短褐君家五字倚
長城武林欲借漁舟便春水桃花不計程

和九兄賀二十六兄除大諫

祖德當年吐握勤諫垣人物典型存在陰鳴鶴和有
子產嶧孤桐枝見孫王室艱難欣得士世家矜伐敢
援恩清明寒謬平生事況乃中興闢四門

亨仲家兄擢居諫職詩以賀之

除書喜動薦紳顏穩上天池刷羽翰詩似少陵多教
化文從太史有波瀾王庭看折來雲檻儒巷聞彈貢
禹冠兄弟相知夫豈敢會憐流落久江干

偶書錄一

柴門如畫映山隈窈窕軒牕向水開想見幽人清徹
骨松陰翠竹竹陰梅

以上崧庵集

李長民 厲有

送張師言知台州二首 師言張昌字

岩遶台嶽鎮東陬地近行都委寄優就付金庭老宮
使曾持虎節古揚州 淮南江東皆古揚州之域行春想見勤宣布

訪古無因預唱酬我誦甘棠增感慨願公封殖表前
修 辛丑歲先公守台州今般若臺有祠堂存

皖嶺潛溪已厭觀此行更賞浙東山雲開天姥極清
曠霧暗石橋窮險艱年德俱高真召杜風情未減容
樊蠻側聞侍從多虛位甯許耆英便賜閑 張丈時年八十矣

天台
別編

陸藻

侯官人宣和中爲泉州郡守招致郡中謝事五
老賦詩贈之兄蘊同時爲建寧守俱有名

贈五老

五老三百五十七俱生仁祖承平時名齊廬阜久傳

世身異商山深采芝

泉州府志

尙用之鴈有

建炎庚戌上春十有三日用之同文發先輩
偶遊澹山巖長老琦公接余於寺外且曰不
預探知不獲遠接余笑謂之曰訓狐不相報

否琦老郎謂余曰提刑道力行不動塵鬼神
容有不知余嘉其不以僞告而味其言之高
也因成二詩以答其意借用山谷老人韻

我來訓狐無所聞老人戲我不動塵道愧未嘗分寸
得心灰要似尋常人斷崖危絆藤蔓古殘僧靜對桃
李春次山不遇遇山谷倬口妙句垂堅珉

崑樹深綠春長在崑暝雨霽雲初歸天愛護持有神
物蛇去因果無狐疑石田藥曰誰與刻香山乳竇苔
生衣未聞城南閬州北此景自是寰中稀

湖南通志
金石略

雉山

座下聞經本至誠改頭易面悟前身信知大道無難
事一念真如維化人

廣西通志勝蹟

黃祖舜

字繼道福清人宣和六年進士紹興中累官權
刑部侍郎兼侍講進論語講義徽宗令國子監
板行賜詔獎諭官至同知樞密院事卒謚莊定
黃檠覽秀閣和韻

飛閣凌雲翠幽尋一徑微峰巒長競秀烟水莽相圍
景色塵囂外詩情領畧歸標題屬大手價重勝留衣

福清縣志

李經

字叔易邵武人宣和六年進士左從事郎漳州

教授紹興八年除校書郎明年致仕

見中興館閣錄

題延慶院

桐柏分奇對郡樓
枯蒼真隱翠何尤
幽人選勝近龍穴
野客忽來忘虎丘
溪戶便將塵事隔
雲房曾遣宦情收
灰心到此方高尚
好學遺民結社遊

天台續集

宋詩紀事補遺三十七男侍讀銜內閣中書樹藩校

宋詩紀事補遺卷之三十八

歸安陸心源伯剛父輯

阮閱 厲有

過黃花渡

曉渡黃花溪水湍鳴榔聲在小沙灘盤斜曲踏畬田
去露下星稀霜葉寒

萍鄉志

至上高邑

上蔡入歸古縣封蜀江依舊水流東末山雲散庵猶
在敖嶺丹成井已空

曉發上高

中外斜溪踏水過不沿危磴卻捫蘿明朝又入宜春
去想近湖湘山更多

宣風道中

馬蹄西去夕陽催濃淡寒山翠作堆北雁無情秋怕
熱帶將寒信過江來

宿路口驛

孤猿啼處宿山村讀盡離騷自掩門寓意偶成長短
旬半窗燈火月黃昏

禪慧寺

老僧揩竹面如灰門閉寒雲冷不開車馬紛紛多少

客端知不是愛山來

以上上高縣志

湘東驛至萍鄉

萍鄉路與醴陵通溪上長亭草木中行盡江南有山處門前隔水是湘東

萍鄉志

游虎邱

踏石青鞋滑西風繫小舟淺塘疎荇水高樹老藤秋行柳亂餘興衰蕪鋪遠愁蕭蕭晚戍角排日下林頭

虎邱志

王案

歷有

題紫團山三十六景

迎陽峰

陽燧初升八極直飛光猶帶赤城霞山英固有葵心
在不許羣峰取次遮

倚秀峰

山形疊疊掩禪關長薄蕭森落照間天女欲誇新結
束都將翠藻簇烟鬟

天杠

不分蒼梧西北傾只將一柱與撐撐而今六幕安然
處不使斯人樂太平

磨崖

家山本與語溪接使節曾過砥柱遊見說紫團銘勒
處西風千里重回頭

濯纓溪

江上老人終獨往塵中孺子果何知溪翁欲識滄浪
意看取青霄浸月時

東華表

借問遼東鶴歸來得許悲浮生隨念變何待塚累累
西華表

寄謝西朝相神奸古有圖如何延客處庭燎照豐狐
碧羅峰

風曳山妃帶雲穿木客衣青松容嫋嫋紅葉半飛飛
月爲幽人罷春從愁處歸明朝碧峰外試與絆斜暉
屋不爲膠東貯阿嬌

金屋山

雲拂層峰四面朝朝陽北過更岩巖金仙自合居金
鷄尾山

天借溪山翼佛居全將帝所作規模漢家不識眞鷄
尾何笑區區問越巫

山翁崖

仙翁愛山居留形在東嶺風林度嘯聲雲壑漾飛影

華髮欲蕭蕭青瞳猶耿耿追踪有名流回首發深省

駐雲亭

塵迹初從世網收一邱一壑此優游却應化作飛雲
片長向亭前伴客留

老人峰

江廬已別游河侶南洛休陪謁漢賓獨立南山千嶂
裏長將萬壽祝嚴宸

南極園

清澂有逸仙疇昔下南極紫氣遠成圖照此太白域
芝田手所耘地靈亦知嗇雲根一十八闢握安可得

惟餘亂峰間喬林竦寒色

紫團勝賞聞之舊矣壺關大夫俾圖作讚欲得
予詩時在管城錦繡潭上自食至晡三十六景
賦之遍點竄一二字耳因以草卷寄之時政和
六年秋九月既望乙巳輔道書

郡志曰輔道書字神奇原刻十二石亦以搨本
累僧碎之埋於山麓後人踪跡掘之止得八石
嵌之慈雲寺壁間後止存四石

以上山西通志

王荀

海寧人徽宗時隨父稟官太原靖康之亂稟以

孤軍守太原城陷苟與稟入告原廟抱太宗御

容赴汾水死贈右武大夫恩州刺史

見杭州志

廣勝寺

重遊蕭寺十年過四望風烟景若何東北嶺高明月

遶西南川遠夕陽多地饒勝槩連靈岳民足豐年藉

綠波却笑山僧無忌憚一生安處在巍峩

山西通志

王俊義

徽宗時登州軍事判官

和劉右司勸農韻

葉覆金餅插翠柯奇葩絕艷染輕羅仙姿出類孰能

牙言三
比國色非凡世豈多賞愛信當同洛苑紛披祇恐委
庭莎東君造化無遐邇一氣潛通稟至和 黃縣志

何恭直

徽宗時知昌化縣

雙溪驛

唐山山下雙溪上城堞參差畫不成已許開簾見山
色何妨欹枕聽溪聲疎泉尙想前賢意美俗猶存太
古情試向丹樓望原野青青菖葉正催耕 昌化志

陳恬 厲有

望天台山二絕

嵩陽不得到華頂可徘徊當知吾性分自有一天台
氣驟烟雲逸風飛山嶽摧神遊八極表何必訪天台
天台續集

劉公袞

徽宗時官中書舍人宣城太守

烏柏樹

三年逐客弄湘流華氣遮欄兩鬢秋祇有荒寒江上

樹尙成詩句聚眉頭

石門文字禪卷四

趙挺之

厲有

送羅正之年兄出使二浙

相逢三十春歡宴殊未足都門今見君行意一何速
正之南國秀德業素所畜才名振京師賢達競推轂
當年諸色政惠愛春蘭馥惟思結恩信幾欲弛鞭朴
一朝使王畿茂草鞠園獄高懷富經綸餘事歸簡牘
風騷入冥搜落筆動盈幅忠誠人所懷正直神介福
輕舟揚高旌錦袂耀鄉服西風浙江遠秋色方在目
歡聲溢閭巷喜氣霑僮僕東南歲仍饑仁主意方屬
君才固有餘足以賑疲俗行聞變潢潦千里盡平陸
功成辦歸裝來赴嚴君促

同前

錫馬恩隨汴楫浮過家身近石橋遊勤勞王事甘胼
手磨琢風騷苦白頭浙水魚龍移窟宅浚郊陂澤變
田疇使君亮直人知少好笑封侯曲似鉤

天台續
集別編

趙滋

字濟甫其祖唐貞元間爲南京漕司戶籍判官
卒官汴遂爲汴人滋強記默識不遺微隱入金
不仕丁酉歲沒于東平年五十九

黃石廟

狂豪擊車代無人神石一砭志乃信吹噓風雲遮楚
秦炎精熾然四百春一編尙悟續後塵江山有待終

此身望望久愁橫。日民朝陽淒淒霜未休。江燕竟來江北游。山回鼎移海橫流。天風何時清九州。草泥自古跼王侯。神棄不恤誰當羞。割牲醺酒空千秋。

中州集

劉庠

徽宗時知新城

碧沼寺

萬疊羣山裏。招提獨屹然。遠依花嶺構。高與上方連。鐘磬雲霄外。簷楹杳靄邊。佛宮皆古像。詩版盡唐賢。乘興公餘日。間來首夏天。池清初過雨。沼碧乍生蓮。薜荔垂青幄。芭蕉展翠牋。谿聲寒漱玉。嵐氣冷堆烟。

信步宜松徑烹茶喜石泉虛堂不知暑淨境合通仙
自得幽棲趣翻嗟俗事牽紅塵曠回首落日尙遷延
新城志

汪伯彥

字廷俊號新安居士祁門人第進士仕徽宗至高宗
歷右僕射檢校少傅卒諡忠定宋史有傳
建炎丞相成國呂忠穆公退老堂詩

尙父重來國有瘳再移雙袖揖浮丘進口初迫人間
世退老仍懷天下憂娛戲烟霞資辟穀栽培松菊助
吟秋天心此欲中興去蕙帳山猿恐莫留

脫冕遺軒息萬緣歸來閑地作神仙步園靖節初成
趣得志莊周正樂全物外情隨雲鶴舉尊前身傍海
鷗眠功成者去天之道知退如公法自然

燕南三世識非羆謀策江淮見吐奇千載五龍扶日
轂十年兩袂各天涯如公卜築聊如此嗟我求田昧
所之遙想園亭賓客會夢飛胡蝶到芳帷

天台續
集別編

劉旦 厲有

上已謝王豐父惠酒

風零三月初三日禊事宜和勝永和又見會稽王內

史蘭亭對酒愛新鵝

蘭亭攷
卷十二

邵伯溫 厲有

果山卽事

閩苑南邊第一州江山勝絕對城樓

句

老守自慚無善政衰翁不稱作遨頭

元夕

從昔遨遊盛兩川充城人物自駢闐萬物燈火春風
陌十里綺羅明月天

清居山

江上危亭名四水山頭禪剎占三嵎

輿地紀勝

金泉山

千載登眞謝自然
半山遺迹號金泉

詞句

百尺長簾垂到地
千株喬木密參天
只在郡城邊

觀進黃柑

果州多黃柑
初比橘柚賤
一朝貢神州
妙極天下選
使者謹其時
頓首乃敢遣

黃柑

南充到日黃柑熟
待摘霜包寄遠情

又

果山仙果秀天香處處圓金樹樹黃書後欲題三百
顆滿林猶待洞庭霜

柑園

守臣方效獻芹心直擬移根到上林充貢先時猶綠
茂置郵須更待黃深

棲藥山

霜後秋香千樹橘雨餘春色一川花

句

屈原宅畔蕙蘭怨神女祠邊雲雨愁

輿地紀勝

吳申李

北宋人與吳可同時

句

潮頭高捲岸雨腳半吞山

藏海詩話

蕭淵言

字淵之徽宗時宰端溪

留題三洲洞

山勢凌空下鬱迤前森秀島應台符洞中古老傳仙

迹

圖經云古老相傳有
龐眉皓首者隱是洞

望外風光接海隅屹若臣心

疆諫剖嵌如龜腹效靈剏清幽景致仁人樂誰爲名

標勝地圖

謹案詩刻在德慶三洲巖不著時代郝志宋職
官有蕭淵之當卽其人之字蓋言字之誤爾淵
言郝志題名在熙寧許鑒之前則此亦北宋刻
也故增靖康之末

廣東通志
金石略

王析

徽宗時知新成縣

碧沼寺

精藍結處足清虛泉遶庭階樹遶廬鬱密青巒垂薜
荔渟澄碧沼映芙渠客來差喜風塵隔僧住應知世
網疏爲感湯休暮雲句使人煩慮頓然除

新城志

郭允升

字彥信泰和人徽宗時知零陵縣蠻獠歸服徒
知安化虎不爲害民有蠻服虎藏之謠

靈龜洞

誰將快劍斫蒼石湧出玉虹三百尺
湍流直注古潭心卷霧噴空潭影激
大聲隱隱非雷霆一洗萬古山無青
崖崩谷斷供奇秀至今猶有龜蛇靈
我疑神龍宅幽邃領有驪珠貪熟睡
爲君鞭起跨玉京坐致商

霖蘇旱氣

湖南通志山川

陸元光

厲有

會景亭

清入闌干酒易醒
春風楊柳幾沙汀
平波抵得瀟湘闊
只欠峰螺數點青

披雲樓

城角危欄見海涯
春風簾幕暖飄花
雲烟斷處滄江闊
一簇樓臺十萬家

月波樓

月移宮闕下銀潢
碧轉闌干萬頃光
我是水晶宮裏客
倚樓猶是羨滄浪

宣公橋

當年倉卒倚鴻籌
清白堪封萬戶侯
陵谷已非家世遠
畫樓依舊水東流

五柳橋

五柳先生倦折腰
孤眠千載仰風標
青山令尹頭如雪
不厭朝昏過此橋

金魚池

池上春風動白蘋
池邊清淺見金鱗
新波已縱游魚樂
調笑江頭結網人

蘇小小墓

瑤臺歸去鶴空還
一曲霓裳落世閒
秋雨幾番黃葉落

落朝雲更欠到香山

羞墓

玉顏羞見錦衣侯草木烟村雨鎖愁不似田文門下
客一貧一富不知羞

宋詩拾遺

王稭

登仕郎行陝縣尉兼主簿事

涼軒

異政豐餘暇新軒雅構成雲成簷外落魂自座中清
盡日松風響通宵花月明琴觴暫舒嘯才用卽登瀛

山西
通志

何弃仲

弃仲一作何弃字農父營道人

營道齋并序

春陵郭縣曰營道三十里而近有村落曰濂溪
周氏家焉族眾而業儒有子曰惇頤字茂叔遠
宦南歸弛肩廬阜力不能返故居乃結屋臨流
寓濂溪之名志鄉關在目中也修水江夏公敬
慕之每稱獎其子壽燾燾卽次元亦爲坡公所
知坡有故茂叔濂溪詩唯多其廉退修水亦止
述其廉平莫詳僑寓之意殆子弟不能達先志

也夫修水相去甫數舍坡其同時人皆失本意
文字傳誤吁可歎已余與先生同邑人也爰託
宿於茲且有墳隴留人比創山房取吾邑名吾
齋因語前事賦詩曉兒曹

儒行篇中有至論書齋鄉縣兩存存南音楚國鍾儀
操仁術函人孟氏言近信每隨流水到舊廬凝望度
雲屯里非勝母泉君子循取佳名覩聖門

沅湘耆舊傳

榮天和

徽宗時人

句

多謝喧喧雀時來破寂寥

藏海詩話

姚祐

字怕受長興人第進士徽宗時左司諫歷官至
延康殿大學士禮部尚書知太原卒諡文潛

福聖觀

織女機成未剪裁練光浮出五雲開日邊瑩彩憑空
落澗底寒聲動地來望徹九霄人錯愕勢傾三井雪
崩摧臥龍欲起爲霖雨肯逐淇波去不同

天台續集

劉裳

江西安福人靖康元年鄉解

應山閣

高閣應山三字古華堂卓秀一峯尊輿地紀勝

蕭照

濩澤人請康中流入太行隨李唐南渡盡以所能授之紹興中補迪功郎畫院待詔賜金帶

范蘿山

蘿翠松青護寶幢烟彼萬里送秋艤真人舊有吹簫事俱傍明霞照晚江太平府志

胡如壘

如壘字伯鏞萬年人以蔭入官欽宗初爲從政

郎劾蔡京童貫直聲震天下仕至太宗正有屏
居集

答大年馬丞相

人生寄浮雲世味如嚼蠟甯分螯半食肯逐烏三匝
紛紛相彼我此道方疇沓君看王孫猿愛惡卒難合
吾儕異市道所貴相知心臨分傾意氣泣下時沾襟
古來耿介士不憚惡木陰茫茫天宇間四顧徒悲吟

答吳尙書

豫讓能報國程嬰能保孤雖復千萬年名與日月俱
印今天壤問斯人焉可無臨風每遐想泫然重嗟吁

後答吳尚書

涇注困鹽車帖耳聲復吞驚駘飽棧豆嘶鳴尚軒軒
向來溝中斷青黃卽犧樽薰蕕旣同器玉石且俱燔
物理安可齊我今欲忘言

以上江西詩微

袁復一

字太初毘陵人靖康元年知臨海縣建炎元年
滿替以邑人遺愛家台州見嘉定赤城志紹興
五年以右通直郎通判臨安府十五年以右朝
散大夫提舉福建常平見繫年要錄復官廣東
市舶見粵東金石畧

昨暮侍玉霄亭坐新月初上涼風疊至配以
丹荔白醕景物具美賦詩呈知府丈

夜涼時到此亭中舞袂掀髯幾許同竹葉舊曾浮太
白絳囊新喜擘輕紅若爲遽舍風千疊未若能留月
一弓咫尺玉峰應好在欲招鸞馭下空濛

天台別編

陳邁

字亨伯永州人登進士欽宗時知中山府殉節
宋史忠義有傳

貴州

來行部駕輶車一日之間氣候殊朝衣駝裘暮揮

扇未應嵐瘴得全無

輿地紀勝陳亨伯詩蓋言南中氣候寒燠靡常故也

韓元傑

字漢臣潁川人億五世孫以蔭補官靖康間辟知臨潁縣累知定遠縣降戚方李捧擢知濠州劉麟入犯元傑出戰斬數百人麟遁移知楚州大將解兵柄元傑請祠寓居蕪湖紹興二十六年卒年五十

吉祥寺

黃塵久厭市朝夢青蒨已孤鷗鷺盟誰解攜琴來此

宿夜深隨意寫江聲

蕪湖縣志

安扶

開封人燾子官給事中靖康時金人犯京師死之

白雲亭

雲來本無心雲去亦無迹要是莫逆交更爲不速客
興地紀勝

張叔夜

厲有

寄題靖安呂延平釣亭

澤草富人物歷數煩僂指先生釣璜孫盛德邈相似

却顧徐洪輩瑣瑣詎足紀修竹照清漪邂逅聊復爾
吾君邁周文未省獵渭水矧此江之湄相距數千里
會遇倘有時必爲蒼生起

舊江西通志

潘中

字民望浦城人第進士知長溪縣靖康丙午二
帝北狩中拜詔涕泣會建卒葉儂叛戰敗死之
建炎元年贈朝請大夫

見寧德志

句

二帝蒙塵事北征小臣無計淚如傾

寧德志

張澈

厲有

靖康時人

建炎丞相成國呂忠穆公退老堂詩

均佚歸來一品崇
赤城新墅煥仙風
功存社稷令全德
身佩安危本至公
甯侶樂天丹竈破
不令北海酒樽空
中原未靖夷氛惡
曾有訐謔沃舜聰

背郭堂成樂趣真
碧油幢下海山春
誰知種木十年手
元是擎天一柱人
久矣威名彰草木
行須談笑靜風塵
甯容中履長間逸
卽看金甌寵數新

天台別編

雷公山

年大嗜烟壑心鄙城郭近
籃輿踐晨霜峭蒨入雲吟

病衰風見乘放浪顧難忍駕言小小惻微尚希逖隱
隱淪著扁舟欲濟江無流峇嶺雷公山信美慙薄遊
夕烟散林谷暮鐘鳴寺樓撫事百感集聊茲兼夕留
留情不復懼惻惻抱悲嘆何以紓拂鬱曳策青雲端
雷祠蔽深莽靈宮俯層巒下視萬壑趨遙見千峯攢
攢峯娛余心領略悟山陰平生一丘壑何須故山岑
放懷白鳥盟斯焉得重尋題詩謝靈山勿閱金玉音

孝義寺

城東孝義寺仍說臥冰池雖匱猶堪訓前賢況可師
香消春殿冷樓壓暮鐘嘶末俗逾偷薄哀懷欲涕洟

清源寺

野山縈小樹翠麓訪禪家殿古燈無焰霜濃菊自花
寒烟深橘柚雜樹矯龍蛇歸路綿岡隴寒風舞凍鴉
井山明眞觀

峭蒨青蔥曉騎迷地偏心遠愛林扉人家歲晏川坻
靜場圃功成鴈鶩肥雷嶺泉深方澤潤井山丹就已
空飛經行不爲山林約結臆烟霞自翠微

撫州府志

王輝

字近光青州人靖康初以義兵立功授永新粟
傳寨巡檢南渡後僑寓吉州淳熙三年茶陵寇

犯永新輝戰不利罵賊死贈吉州刺史立廟秋
陂祀之

覽翠亭

亭倚古臺邊環亭翠蔚然芝蘭深雨露梧竹老風煙
牕戶香霏濕闌干爽氣連登臨忘世慮逸興發林泉

吉安府志

趙邦美

靖康時陳留人

不執寶大師房

披雲佳處對青山何必登高縱遠觀岩谷幽深無限

景可憐多思等閑看

靈岩集

林若淵

僊遊人父靖康中死節

題父墓亭

虎踞龍蟠經幾春
靖康孤節照蒼旻
至今凜凜有生氣
愧死當年膜拜人

興化府志

宋詩紀事補遺卷三十八男侍讀銜內閣中書樹藩校